

焦氏四書講錄

高皇帝講義

伏聞我

高皇帝看書雖宗朱氏集註然義論英發不襲故常每以宋儒為迂而曰經之不明傳註害之乃詔孔克表等註釋若干以盡聖賢之旨又慮諸臣未達註釋之凡親製講語以賜俾取則而為之謹錄三章于此

子曰攻乎異端斯害也已

朕意攻是攻城之攻已者止也孔子蓋謂攻去異端則邪說之害止而正道可行矣宋儒以攻為專治而歆精之為害也甚豈不謬哉

子曰聽訟吾猶人也必也使無訟乎

自古聖君莫如堯舜天下向化莫如唐虞之世而有皋陶為士師明五刑若當時無訟何用設此官且天下之廣居民相參安得無訟孔子蓋謂聽人之訟我無異於人但要得人是非曲直之情不致枉道使其既斷之後更無冤而訟者是為無訟也宋儒以為正其本清其源則無訟至豈不謬哉

子曰夷狄之有君不如諸夏之亡也

夷狄禽獸也無仁義禮智之道孔子蓋謂中國雖無君長人亦知有禮義勝於夷狄之有君長者宋儒以為中國之人不如夷狄是反尊夷狄而卑中國矣豈不謬哉

高皇帝之講類此者多洪範曰皇極之敷言是彝是訓于帝其訓此之謂也初年天有黑氣凝於奎壁後來其氣始消高皇帝諭劉三吾等曰朕觀天象文運常興矣嗚呼文運之興非

皇極之敷言也而何以克致哉

聖聖紹統

皇極重先是訓是行者天下二百年餘矣

今上皇帝

聖學懋於講筵委訓敷於

皇極陽明子之從祀諸俊傑之同登天下欣欣曰文運之昌未有甚於此也而會其有德歸其有極者將萬萬年矣五輩

原缺

附

大學與諸生講義一章

子曰誰能出不由戶何莫由斯道也

此章書是孔子提醒人由道的意思誰能出不由戶何莫由斯道也蓋吾人在天地間誰不有箇門戶誰不於戶而能由之然道却是吾人此身的本體吾人出入常行的大路也與門戶一般乃舍之而不由不知是有何緣故真箇可怪可嘆也若說道是不必由的然由着道行使四通八達無所不至不由着道行出門便有礙一步亦不可行矣真箇可怪可歎也且易而易知簡而易能道本是箇不難由的吾人這點良知良能自孩提時便有不慮而知不學而能處況到成人時

又豈有不能由道者乎真箇是可怪可歎也仰惟我

高皇帝之訓有曰崇正學迪正道革浮靡之習振篤實之風大
皇言所以訓臣民之由道者蓋洞開重門已無餘蘊矣

列聖紹統一道德而同風俗者二百餘年未之有改方今

聖天子道化更新賢公卿以道輔治天下的人誰不由斯道也

然其間亦豈無日用不知不得其門者乎有一於此局不反

而思之曰吾人與萬物爭差只是幾希所以貴於物者為其

能由道以盡却性分也程伯子云每思天下父子君臣夫婦

兄弟朋友有多少不盡分處彼草木鳥獸亦必有箇生氣靈

根人不由道便是醉生夢死到不如草木鳥獸矣可以人而

不如草木鳥獸乎思及于此便悚然而懼所以由道者自不

容已矣然其間由道的人又豈無墮在旁門曲徑者乎有一
於此局不反而思之曰俗學是沿門持鉢的道真端是空門
寂滅的道聖學是吾人第一等當由的道孟子云居天下之
廣居立天下之正位行天下之大道此之謂大丈夫蓋必廣
居正位大道之由而後可為大丈夫也下此一等便是小夫
夫矣可以人而非為小丈夫乎思及於此便憤然而起所以
由乎大道者自不容已矣然其間由大道的人又豈無假立
門戶以欺斯世者乎有一於此局不反而思之曰門戶實實
落落出了纔是由戶道理實實落落行了纔是由道由之以
口談者是揣摩影響標榜門牆者也由之以身心者是能由
是踏出入是門者也陽明子云吾人要從心體入微處用力

自然篤實輝光而天下之大本達道在是矣若只在門面摺
數上捱點雖是名為有道而道却因此益壞人心因此益惑
正學因此益荒是由聖門之罪人矣可以君子而甘為罪人
乎思及於此使沛然若江河之決而所以真真切切由道者
自不容已矣爾諸生來遊太學之門亦誰能不由戶也其
果盡能由道而得門戶之真者乎若只依傍而由此戶如朱
子云相與遊戲其間莫知所以用心者其規為動息舉不異
乎凡民而又有甚之者焉則尤可怪可歎之甚矣諸生其省
之哉勉之哉

附直侍

經筵講義一章

論寫是與君子者乎色莊者乎

孔子欲人不可把言貌取人正是堯舜文武相傳來
取人敷奏以言了却又明試以功文武之
却又本之六德六行並不曾只把言貌取
人未仕而待取者都務要立德立功不只在
仕而効用者都著實有德有功不只在言論
此家其實福而熙熙皞皞之治平今可想見
又武者故以此殺人云人之言論不同
者這却不是篤實的論有談經論史

篤實的論有談詞論賦論得華藻者
不談空論玄論得虛遠者這也不是篤
人都易得辨唯有一種論篤的人却是難辨
子者乎色莊者乎論是言論篤是篤實與是
否因他言論篤實便取他做君子也君子是
厚的人色莊是能言不能行做箇莊重篤
修身他說的實是修身之理論齊家他說
才之理論治國以及天下他說的實是天下平之
理宜者取也然未知是君子而言行合一者乎未知是色
莊而行不顧言者乎若是箇君子以此取他則他日所建立
的定有益於天下若是箇色莊以此取他則他日天下不免

以虛名而受實禍矣言貌豈可取人哉臣嘗論之取人之法亦甚難矣視其所以者是與否人所為之善惡觀其所由者是又要看人意之所從來察其所安者是又要看人之所樂在善不在善只一箇論篤如何就可以取人也且又要觀其眸子以察人之神氣觀其簞食豆羹以盡人之真情觀其震撼衝擊時以盡人之識量觀其盤根錯節處以盡人之才調觀其磨煉歲月之滛以定人之操守取人之法其詳有如此者只一時的論篤如何就可以取人哉臣伏讀

高皇帝祖訓有曰凡人之奸良因為難識惟授之以職臨事試之勤比較而謹察之奸良見矣大哉

皇言其所定取人之極者蓋不在區區言貌間也

列聖相承格遵成憲仰惟

皇上聰明天縱如日之升君子小人固有不待言貌而自辨者
即今野無遺賢朝無倖佞天下之治亦熙熙皞皞矣然愛治
而危明臣竊有過計焉宋人有云漢唐之小人易知宋朝之
小人難見所謂小人之難見者得非色莊之君子乎臣又恐
宋朝之小人易知後來之小人難見所謂色莊之君子得無
有愈懲愈變愈巧愈巧而愈亂真者乎然此亦惟在
陛下一反觀耳程頤云心通乎道者然後能辨人如人在堂上
方能辨堂下人曲直確哉斯論也伏願

陛下聖不自聖慎終如始此心洞然而常明則偽之巧者不敢
以眩此心廓然而常公則偽之巧者不容以難此心純然而

常罵實則偽之巧者尤不忍以欺小人都化為君子而實
落落有德而有功又何有乎色莊之論何憂乎觀人之難何
憂乎取人之謬也此之為正心以正朝廷

正百官以正萬民正萬民以正四夷而堯舜文武與我

高皇帝

列聖之治益隆於今日矣宗社無疆之福其真在此也哉臣等
不勝頓望之至

焦氏四書講錄大學卷之一

翰林脩撰

漪園

焦

竑 著

翰林編脩

九誠

李廷機

校

大學之道一節

此孔子以大人之學示學者大人是自天子至于庶人皆有
箇身心意知皆有天下國家之任者也其任太故其學太其
學太故其道太明明德親民止至善盛德大業備矣是之謂
大學之道而成其為大人者也

明明德上明字是工夫即下明德的明字更不用他字可見
只是復此明德之本體別無所加蓋親民親字程朱二子訓
作新字時文且依他說若論理還當依舊作親字陽明子之

說最妙○新民主我去新他看不是民自新民亦不專指庶民乃人之通稱君臣父子兄弟師友凡彼此相親者通謂之民○問明明德是自己事可以做到得極好若新民則在人若如何得他到極好處晦庵子曰且教自家先明德盡然後漸民以仁摩民以義如堯舜之勞來匡直輔翼使自得之又從而振德之自然到極好處且至善之止人雖或有未能而我所以望之者却不可不如是也若誘之於不能而一任姑息之政則是驩虞之小補者而已豈所以為大學之道乎○陽明子曰大人者以天地萬物為一體者也彼間形骸而分爾我者小人矣大人之能以天地萬物為一體非意之也其心之仁本若是其與天地萬物而為一也豈惟大人雖小人

之心亦莫不然彼顧自小之耳是故見孺子之入井而必有
怵惕惻隱之心是其仁之與孺子而為一體也孺子猶同類
者也見鳥獸之哀鳴醵棘而必有不忍之心是其仁之與鳥
獸而為一體也鳥獸猶有知覺者也見草木之摧折而必有
憫恤之心是其仁之與草木而為一體也草木猶有生意者
也見瓦石之毀壞而必有顧惜之心是其仁之與瓦石而為
一體也是其一體之仁也雖小人之心亦必有之是乃根於
天命之性自然靈昭不昧者是故謂之明德小人之心既
已分隔隔絕矣而其一體之仁猶能不昧若此者是其未動
於欲而未蔽於私之時也及其動於欲蔽於私而利害相攻
忿怒相激則將戕物比類無所不為其甚至有骨肉相殘者

而一體之仁亡矣。是故苟無私欲之蔽，則雖小人之心，而其
一體之仁猶大人也。一有私欲之蔽，則雖大人之心，而其分
隔隴陌猶小人矣。故為大人之學者，亦惟去其私欲之蔽，以
自明其德，復其天地萬物一體之本然而已耳。非能於本體
之外而有所增益之也。然何以曰在親民？蓋明明德者，立其
天地萬物一體之體也。親民者，達其天地萬物一體之用也。
故明明德必在於親民，而親民乃所以明其明德也。親吾之
父，以及人之父，以及天下人之父，而後吾之仁實與吾之父
人之父，天下人之父而為一體矣。實與之為一體，而後孝之
明德始明矣。親吾之兄，以及人之兄，以及天下人之兄，而後
吾之仁實與吾之兄人之兄，天下人之兄而為一體矣。實與

之為一體而後第之明德始明矣君臣也夫婦也朋友也以至於山川鬼神鳥獸草木也莫不實有以親之以達吾一體之仁然後吾之明德始無不明而真能以天地萬物為一體矣夫是之謂明明德於天下是之謂家齊國治而天下平是之謂盡此然又烏在其為止至善蓋至善者明明德親民之極則也天命之性粹然至善其靈昭不昧者皆其至善之發見是而是焉非而非焉輕重厚薄隨感隨應變動不居而亦莫不自有天然之中是乃民彝物則之極而不容少有擬議增損於其間也少有擬議增損於其間則是私意小智而非至善之謂矣自非慎獨之至惟精惟一者其孰能與此乎後之人惟其不知至善之在吾心而用其私智以揣摸測度於

其外以為事事物物各有定理也是以昧其是非之則支離
決裂人欲肆而天理亡明德親民之學遂大亂於天下彼固
有欲明其明德者矣然惟不止於至善而騁其私心於過高
是以失之虛罔空寂而無有乎家國天下之施則老佛之流
是表彼固有欲親其民者矣然惟不止於至善而溺其心於
卑瑣是以失之權謀術數而無有仁愛惻怛之誠則桓文之
徒是矣是皆不知止於至善之過也故止至善之於明德親
民猶規矩之於方圓也尺度之於長短也權衡之於輕重也
方圓而不止於規矩準其則矣長短而不止於尺度乖其劑
矣輕重而不止於權衡失其準矣明明德親民而不止於至
善亡其本矣故止於至善以親民而明其明德是之謂之達

知止而后一節

晦庵子以此條為止至善之由時文且依他說明德新民圖
在止至善而至善之止必以知止為先知止於能得已不甚
相遠了定靜安慮亦只是從中細分其妙處有此四者非終
身經歷之次第也而后字都不必泥○定字看來不是志有
定向蓋知止之知真是物格知至了不是淺淺聞見之知乃
入火而知火之熱入水而知水之寒超然覺悟真見道體非
語言文字間也立志是初學事若知止後方志有定向似倒
了晦庵只為看得知止淺了便下箇志有定向却不知此定
字是明道了靜亦定動亦定之定就如今人說事體定了俾
家入定亦此定也定則自然妄念不起衆動不搖故靜靜則

自然身心俱泰意思閒雅故安到安時自然泰宇定而天光
發文理密察森如其間矣非慮而何也慮而后能得是一了
百當大學之道盡在於我所謂易簡而天下之理得聖人之
能事畢矣尚復有餘蘊哉○愚意更見二卷以此為粹格物
物有本末一節

晦庵子以明德新民為物有本末知止能得為事有終始時
文且依他說知所先後是用工夫處知所先後也不是全末下
工夫只汎汎然知其序便能近得進近道者德可明而民可
新善可知而止可得矣○陽明子曰本末不當分為兩物蓋
木之幹謂之本末之梢謂之末惟其一木也是以謂之本末
若曰兩物則既為兩物矣又何可以言本末乎新民之意既

與親民不同則明德之功自與新民為二若知明德以親其
民而親民以明其明德則明德親民為一折而為兩乎○愚
意更見二卷以此為釋格物致知傳

古之欲明一節

此條不可截斷歷歷說將去只重幾箇欲字乃古人之心欲
如此必先知此還未曾用工若作用工夫豈有先天下國家
而後及身心意知之理○明德字是八條目之主格物致知
者知明此明德誠意者實明此明德正心脩身者明此明德
於心身齊家治國者明此明德於家國而獨於天下云明明
德者以一而例餘之意也○問天下與國是天子諸侯之事
卿大夫以下無與者大學樂以治平為教豈不為思出其位

犯非其分而何以謂為己之學乎晦庵子曰君子之心視天下無一物非吾心之所當愛無一事非吾職之所當為雖在匹夫之賤而所以堯舜其君民者亦未嘗不在其分內也又況天子之元子衆子卿大夫之適子與凡民之俊秀皆將有天下國家之責者也則所以素教而豫養之者安得不以天下為己事之當然而豫求有以正其本乎夫抵學者於天下之事以為己之當然而為之則雖籩豆有司甲兵錢穀亦是為己以其可以求知於世而為之則雖割股廬墓弊車羸馬亦是為人耳○家門之內恩常掩義參差不齊須要齊不齊以致其齊也故云齊身云脩者如器已成而脩之心云正者如器稍偏而正之不大貽費力了唯誠意是緊關頭要狠着

下手實在為善而去惡過下此關更有何惡也其或心不正
身不脩只是不免有些偏處却不是為惡矣故知者以此為
黑白關此關未過雖有小善亦是黑中之白此關過了雖有
小失亦是白中之黑又以此為人鬼關善便有生之道生者
是人惡便有死之道死者是鬼過了此關也是人不是鬼矣
嗟嗟黑白猶可也死生人鬼都繫此關頭可不謹乎○誠意
至平天下一件自為一件故著先後字先字後面逐一有箇
工夫不是先一件完了後一件便自了得唯致知格物通為
一件故獨著在字致知者更無他術只在格物而已耳○陽
明子曰身者心之形體運用者也心者身之靈明主宰者也
故欲脩其身者必先正其心然心之本體則性也性無不善

則心之本體原無不正也何從而用其正之功乎蓋心體本無不正自意念之發而後有不正也故欲正其心者必就其意念之所發而正之發一念而善也好之真如好好色發一念而惡也惡之真如惡惡臭則意無不誠而心可正矣然意之所發有善有惡不有以明其善惡之分亦將真妄錯雜雖欲誠之不可得而誠也故欲誠其意者必先致其知致者至也易曰知至至之知至者知也至之者致也致知云者豈世儒之所謂充廣其知識者乎致吾心之良知而已矣良知者是非之心人皆有之者也是非之心不待慮而知不待學而能是乃天命之性吾心之本體自然靈昭明覺者也凡意念之發善善惡惡吾心之良知未有不自知者而皆無所與

於他人也故雖小人之為不善既已無所不至然其見君子則必厭然擯其不善而著其善者是亦可見其良知之有不容於自昧也今欲別善惡以誠其意惟在致其良知而已矣何者意念之發吾心之良知既知其為善使不能誠好之而復欲背之則是以善為惡而自昧其知善之良知也吾心之良知既知其為惡使不能誠惡之而復欲蹈之則是以惡為善而自昧其知惡之良知也若是則雖云知之猶不知也意可得而誠乎今以良知所知之善惡者無不誠好而誠惡之則不自欺其良知而意可誠矣然欲致其良知亦是影響恍惚而懸空無實之謂乎蓋必實有其事矣故致知必在於格物物者事也意之所發必有其事意所任之事謂之物格者

正也。正其不正以歸於正也。正其不正者去惡之謂也。歸於正者為善之謂也。良知所知之善雖誠欲好之，苟不即其意所在之物而實為之，則是物有未格而好之之意猶未誠也。良知所知之惡雖誠欲惡之，苟不即其意所在之物而實去之，則是物有未格而惡之之意猶未誠也。今於良知所知之善者，即其意所在之物而實為之，無有乎不盡；良知所知之惡者，即其意所在之物而實去之，無有乎不盡。然後物無不格，而吾良知之所知者無有虧闕障礙，而得以極其至矣。吾心始快然自慊，而意念之所發者無有自欺，而可以謂之誠矣。故曰：物格而后知至，知至而后意誠，意誠而后心正，心正而后身脩，是其工夫條理雖有先後之次序，而其體之惟一。

實無先後次序之可分其條理工夫雖無先後之次第而其
用之惟精則有纖毫不可得而闕焉若此格致誠正之說所
以闡堯舜之正傳而為孔氏之心印也歟○格字有以至字
訓者如格於文祖有箇來格是以至訓者也然格於文祖必
純孝誠敬幽明之間無一不得其理而後謂之格有箇之頑
實以文德誕敷而後格則亦兼有正字之義而未可以至字
盡之也如格其非心格君心之非之類則皆是正其不正以
歸於正之義而不可以至字訓矣且大學之格物又安知其
不以正字為訓而必以至字為義乎如以至字為義者必曰
窮至事物之理而後其說始通是其用工之要全在一窮字
用力之地全在一理字也若上去一窮字下去一理字而直

曰致知在至物其可通乎夫窮理盡性聖人之成訓也苟格物之說而果即窮理之義則聖人何不直曰致知在窮理而必為轉折不完之語以啟後世之弊耶蓋大學之格物與繫辭之窮理大旨雖同而微有分辨不可強此而附彼者也今即以格物為窮理而謂窮理屬知格物未嘗有行則非惟不得格物之旨併窮理之義而失之矣此世儒之學所以分知行為先後兩截而支離分裂聖學益以殘晦也哀哉

物格而后一節

此條是解上文之意古人之功不槩施而必有所先者蓋以物格而后知至故致知在格物知至而后意誠故欲誠意者先致知以至國治而后天下平故欲明明德於天下者先治

國舊說作效不通○物一栴了知統至知至以下六句每下一字內却要可用可字誠正脩齊治平還一一有工夫在也問條目中諸無可疑只有栴物一條陽明子之說固不可尚者即如晦庵子說作博求於物乃能見道亦似通得一般曰見道如見天或隔一紗或隔一紙或隔一壁或隔一垣明暗不同其較一也要見須是開了垣壁撤了紗帟使自見何須博求博求正為未闢未徹耳既見或局牕戶或限區域猶有方也立乎泰山之巔而遊日月之下則溥天在目復何容言舍此而博求以栴物是記醜而博者矣○晦庵栴物諸說都是中年未定之見至其晚年痛自悔艾以為自誑誑人罪不可贖且曰書策埋頭無了日不如拋却去尋春則其可造者

亦與陽明同矣。天高海濶，展也大成，豈徒蠶絲牛毛之覓而已乎？○陽明良知之說，亦要善理會。自良知未講以前，學者尚有不得力處。自此講盛行於今數十年矣，得力者反多，不逮於前何也？人人只說良知不說工夫，纔拈工夫，便指為外道。此等若是陽明復生，恐亦不免攢眉。白沙子云：「見得體統，該括後更有分殊處。」各當理會。義理儘無窮，工夫儘無窮。良知之說，正是體統，該括處。其合當理會者，未可便置之不理也。蓋陽明不是以良知為主，只要以良知為主，意致良知為工夫。如孟子說「平旦之近於人者，良知也」，而繼之以「長養」，便是致良知的工夫。四端之有於我者，良知也，而繼之以「擴充」，便是致良知的工夫。陽明之意，正如此。故其說有曰：「良知是

未發之中寂然太公之本體便自能感而遂通便自能物來
順應却又曰當知未發之中常人亦未能皆有也是必致之
而後可謂之學則亦未嘗廢學而說良知矣今人不理會致
良知的工夫脫空談箇良知初下手時便說了手的話正是
但知即百姓之日用以蓋聖人之精微而不知反小人之中
庸以嚴君子之戒懼也其為良知之禍陽明之累者亦無窮
矣豈止得力處不逮前人而已哉

自天子以一節

明德之條目有五而脩身所以成其終新民之條目有三而
脩身所以成其始身之於人大矣故自天子至于諸侯卿大
夫士庶人一切皆以脩身為本○脩身以上德之盛也脩身

以下業之大也本末兼舉體用悉備矣此之謂大人之學○
凡事莫不有本木之千枝萬葉起於根水之千流萬派起於
源無根者雖榮不久無源者可立而涸脩身為本則根之深
者花自茂源之深者流自長矣其身正不令而行其身不正
雖令不從身非家國天下之本而何也學者董而習之誰不
知脩身之為本而所以行之者則皆舍本而徇末倒行而逆
施何怪其治之不古也歟

其本亂而末一節

大人以天地萬物為一體家國天下却文分箇厚薄者陽明
子曰論理自是有箇厚薄之分譬如身是一體把手足去擇
頭目豈是偏要薄手足乃理合當如此又如草木與鳥獸同

是愛的把草木去養鳥獸心又忍得人與鳥獸同是愛的宰
鳥獸以養親或供祭祀燕賓客心又忍得至親與路人同是
愛的如簞食豆羹得則生不得則死不能兩全寧救至親不
救路人又忍得都是理合該如此自有差等強同不得所
同者施之各當其可耳便是大人一體之學○問人亦有本
亂而末治厚者薄而薄者厚何也曰本亂而末治者是政刑
之威民免而無耻原不可以語治厚者薄而薄者厚是勢利
之交勢窮利散而交絕矣厚者如是乎○既提出身為本又
提出家為所厚此訣最妙我

高皇帝有曰治天下者脩身為本正家為先真妙契此訣者矣
大哉聖道之統承神哉

聖明之治化而所以垂億萬年無疆之休者其肯由此哉

此經一章四書盡在此五經盡在此諸子百家亦盡在此蓋
格物致知誠意正心脩身齊家治國平天下自天子至於庶
人只有此事而已矣聖賢之盛德大業亦只是了却此事而
已矣經書子史之說雖有不同亦莫非此日盡在此經一處

康誥曰章

此傳三引書康誥只平平說太甲較說得密帝典又說得濶
乃傳文引書之體不是堯湯文王之德有淺深○克明德克
字連明字看克只是能不是用力字○人所以不能明其德
者只為氣偏而太剛則有所不能氣偏而太柔則有所不能
聲色之欲較之則有所不能貨利之欲較之則有所不能不

特此也。凡有一毫之偏蔽得以害之則有所不能。文王無一此偏蔽故能明其德耳。

天之明命即明德的本原。自我之得於天者言曰明德自天之與我者言曰明命。○顧諟字經不是用力字。顧者返觀內照之意。明命是何物可以返觀內照得。只內省此虛明處便是。若謂以心去顧明命則心是一物。明命又是一物。誤矣。明德之體都是大的。但人不能明而自陷於小。堯却無昏暗狹小之累。故能明其大德。然亦只就自己身上說。若說到光四表格上下處又是新民境界矣。

皆自明句是摠評三書所言帝王之學皆是自明已德也不。是訓解三書之詞。皆言自明已德之意。自明字須要發揮得。

出時義於皆字着力而于自明處反畧非肯。明明德三句是大學一書之綱領明明德一句又是經文首三句之綱領敬之一字又是明明德之綱領蓋敬者一心之王宰而萬事之本根也程子云是整齊嚴肅謝顓道云是常惺惺法尹彥明云是收斂心身不容一物必如此而後德可明以至家齊國治天下平者要皆此敬之所為也故曰脩己以安百姓篤恭而天下平敬者聖學之所以成始而成終也信哉

湯之盤銘章

此傳引盤銘詩書亦畧有淺深傳文之體是要一步緊一步盤銘說新民之本康誥說新民之事詩說新民之驗苟字最重即誠字是為學入頭處誠能日新了工夫方能接

續做去○心體原無一毫私欲錯雜至潔至淨常人不能無
污累便湏洗濯不必本體上增益只洗濯那潔淨的本體出
來要見本來面目便是○日日新二句一串說不可分斷日
日新者不止一日之新又日新者日新之功自此更無一日
之息也○書仲虺曰德日新萬邦惟懷尹氏曰惟新厥德終
始惟一時乃日新皆此銘之謂也伊尹萊朱之於湯真是見
作新民晦菴子以新字連民字看時文且依他說作之者井
田學校是作之之具勞來輔翼是作之之功推我之明德以
明其明德則是作之之本也即此誥曰德裕乃身又曰盡乃
心無好逸豫乃其又民作之之本亦見於武王之命康叔矣
舊邦新命要見文王自新新民之極處民之視聽在君天之

視聽在民天命新可以見新民之極民德新可以見自新之極即此詩曰穆穆文王於緝熙敬止敬於已者而緝熙也非自新之極乎又曰亹亹文王令聞不已聞於人者而不已也非新民之極乎湏如此推補

君子無所不用其極猶上章言皆自明也一般君子指上三聖人言無所不三字對上章皆字看用其極三字對上章自明字看只盡其所以親民者便是極字即書言建相會極之極是箇標準之義於新民最為親切故用之耳註以止至善解之恐犯下章

愚意更見二卷明明德必在於親民而親民乃所以明其明德也陽明子之意如此

詩云邦畿千里 二節

首條引詩是汎說其理重一止字邦畿為民之所止至善亦為明德新民之所止也

此條引詩重孔子說詩上於止知其所止是鳥於可止之地而知所止人當知止處只含箇明德新民意若太露出恐說詩之時未曾將此作骨子也○音有非孟子者說他不應常把人來比禽獸不知此是聖人不得已喚人不醒沒柰何為此激切語耳即如孔子說可以人而不如鳥乎是又恨人反鳥之不如也這等激切語豈是得已

詩曰穆穆 節

此條引詩是以聖人為學者立極文王緝熙敬止蓋聖人之

心表裏洞然無一毫私欲之蔽故繼續光明無不敬而其安
所止者莫非至善不待知所止而後得所止也○敬止敬字
是舉敬德之全包下仁敬孝慈信在內下五句都要點敬止
意總見是敬止之目○仁敬孝慈信要說得盡善仁不是徒
寬夫討有罪五刑五用亦仁也敬不是徒順責難於君陳善
閉邪亦敬也慈不是徒愛家有嚴君愛而勞之亦慈也孝不
是徒守善繼其志善述其事亦孝也信不是徒執惟義所在
行不必果亦信也晦庵子云學者徒得五者之名而不得其
所以名則仁為姑息敬為阿諛孝為陷父慈為敗子而信為
尾生白公矣可謂之止至善哉

詩云瞻彼
節

此條引詩晦庵子以為明明德止至善時文止依他說學問
自脩是求止至善之功恂慤威儀是得止至善之驗此雖釋
武公之詩却不就武公說乃汎說大學之君子也○看來道
學自脩一學字便已了畢講習討論之訓不知其何謂也如
學而時習之學有緝熙於光明此等之學豈止於講習討論
耶蓋學是學存此天理切而復曉者在人欲上切磋出天理
來也自脩則就此天理有太過不及未能恰好者又脩之以
協於中是天理中更無微缺○至當處便是琢之而後磨也若
以知行分貼作兩項是豈聖門合一之學哉○恂慤是誠敬
之自然者戰懼二字亦似著力了威儀即恂慤之發見於外
者盛德至善不是兩件此德之盛為善之至也民之秉彝好

是懿德故自不能忘○此處不忘是不忘於當時下文不忘

詩云於戲前王 節

此條引詩晦庵子以為新民止至善時文且依他說文王武王之新民就親賢樂利上見得賢是文謨武烈放佑後人也親是創業垂統覆育後人也樂是立綱陳紀使人各安其分也利是分田制里使人各遂其生也後世之君子小人賢其賢而親其親樂其樂而利其利可見其新民止至善矣向使未止于至善即當時已有忘之者况後世乎○此詩有曰無競惟人不顯惟德武公詩有曰溫溫恭人維德之基夫親賢樂利要皆一德之所為者而盛德至善則又溫溫之所基也試看今之人溫和謙厚者告之以善則惟德之行強狠乖戾

者告之以善則覆謂哉脩善之至與不至顧其基之有無何如耳凡曰止者必有其基也欲止至善之君子其先以溫溫此傳釋止至善學是格物致知之事自脩是誠意正心之事恂慄威儀是身脩之事親賢舉利是家齊國治天下平之事八條目盡在此○愚意更見二卷即陽明子止於至善以親民而明其明德之謂也若謂明德親民可以析而為兩項則皆八人一體之學哉

子曰聽訟吾猶章

愚意詳見二卷晦庵子以此為釋本末時文且依他說聽訟句輕只重使無訟句無情者不得盡其辭是無訟大畏民志是使字意○無情者不得盡其辭是私下自然無訟大畏民

志就聖人之明德有以懾服民心說訟不待聽而自無意繳
在此句之下○山有虎豹而狐狸不敢畫號川有蛟龍而鯢
鱓不敢夜舞況有聖人之大可畏者在而民敢為訟乎○孔
子為司寇時有父子訟者同往執之三月不別季孫欲殺之
以教民孝孔子曰是殺不辜也夫民陳道德以先服之而猶
不可尚賢以勸之又不可即廢之又不可然後以威憚之若
是三年而百姓正矣乃赦其獄父子如故所謂使民無訟者
非聖人其孰能之乎○聖人不常有訟亦焉能絕無為吾民
者只自家警悟便是儻或不遵禮法逞忿爭強動輒與人構
訟此耽求勝於彼彼亦求勝於此寃連禍結以至破家蕩產
身死刑獄何益之有耶

所謂誠其意 節

人性本善無惡亦本好善惡惡氣拘物蔽者固不知善惡之所在大學君子格致而知所好惡了然或未能決去而必得却又自欺者須要禁止乎此惡惡便如惡惡臭好善便如好好色皆務決去而求必得之以自快足於已此之謂自慊自欺自慊非對言亦無兩層不自欺則自慊出乎自慊則人乎自欺矣獨是心中發出一點念頭人所不知而已獨知處益指欺不欺言不可雙頂欺慊說註審幾正是慎處謂審其實不實之幾也○毋自欺工夫極細如有九分義理一分私意亦是自欺不必以下小人事來比下文所云又其甚者故特舉以為戒○獨字不止自家獨處如與衆人對坐自家心

裏起一念亦是獨○人所以不慎獨者意以惡可掩而善可
詐也故下文極說惡不可掩善不可詐以見獨之當慎意
善者好色也惡者惡臭也獨之不慎是棄西子之好色而蒙
不潔之惡臭人皆掩鼻而過之矣能無愧乎

小人閒居

此小人亦知有個善惡但不知得真可好惡而又不能慎之
於獨以禁止其自欺是以敗露到此○鼠以昏出鴉以夜號
為昏夜之無人見也閒居無人之地而為不善者此之類矣
噫堂堂丈夫而可為鼠為鴉乎○問人之視已如見其肺肝
從何處見得曰視其所以觀其所由察其所安聽其言也觀
其眸子簞食豆羹見於色便可見其肺肝○誠中形外承小

人之惡說君子不是重以小人為戒若以小人為戒而後慎獨亦粗淺矣不如只平平說獨之不可掩如

此此君子所以必慎其獨也

曾子曰十目 節

曾子曰三字是衍文舊說十傳是曾子之門人所記故又引其平日之語非也程子於西銘猶云不得子厚筆力無緣做得况無曾子筆力者何緣做得十傳文字以此知十傳是曾子所自作○十目十手二句不要用如字如字於其嚴乎意便緩了要明說出不可掩來即諺云牆有縫壁有耳若要人不知除非己不為也十字只見得甚多不拘定十箇獨而無所指視未為可畏指視而不甚多亦未為可畏之甚十目所視十手所指則其可畏甚矣○為善於獨者不求人知而人

自知之為惡於獨者常恐人知而人必知之善者何所畏重
惡一過然則小人之揜惡而著善者真無益矣

此君子所以必慎其獨

富潤屋

富潤屋聖賢原不屑道者此只借以形容德潤身意之既誠
明德便實有於已而身可潤心曠神怡之謂廣暢於四支之
謂胖君子必誠其意者必慎之於獨禁止其自欺擴充其自
煥而至下潤身之地也身至于潤是以好色而簪花香肌而
佩蘭矣非可愛可樂之君子乎○問誠意以下猶有正心脩
身工夫如何意誠後便心廣體胖曰誠意的人已是好人了
正心脩身工夫都易得盡定然能廣能胖晦庵子亦云若於
此處分明了其餘工夫如田單火牛自止不住○濂溪子云

誠無為幾善惡審幾以立誠便是慎獨以誠意身心之邪正
家國天下之存亡皆決於此也意毫差之差即千里之謬矣
此曾子所以契緊為人而特作一傳也哉

所謂脩身 節

程子謂身當作心是也此心之體本虛物未來時心裏原無
物物一來時隨物而應心裏亦無物物既應時心裏仍無物
無物是無所也無所是虛虛便靈便是本體之正有所是不
虛不虛便不靈便不得本體之正○有所所字即方所之所
前有將迎後有留滯便有箇方所落在一邊不得其正者落
在一邊也莫說得太甚此是意誠的人有甚奸邪大惡○問
念好是自己的事可勉強不為憂懼自外來的由不得自己

當如何曰便是自外來的亦要我有道理處置雖合當憂懼者若憂懼太過亦濟得甚事試看安里之囚匡人之圖雖死生在前聖人亦處之泰然何曾為他動心○陽明子曰忿懼幾件人怎能無得只要物來順應不着一分意思便心體廓然大公得其本體之正且如出外見人相鬪其不是的我心亦怒雖怒却此心廓然不曾動與子氣如今怒人亦得如此纔是正○學者有因兒病危心甚憂悶不堪者陽明子曰此時正好用功若此時放過閒時講學何用人正要在此等時磨鍊父之愛子自是至情然天理亦自有箇中和處過即是私意人於此處多認做天理當愛一向憂苦不知已是有所有憂患不得其正了大抵七情所感多只是過少不及者終過

便非心之本體必須調停適中始得就如父母之養人子豈不欲一哭便愈然却曰毀不滅性非聖人強制之天理本體自有分限不可過也人但要識得心體自然增減分毫不得高皇帝因鏡工之語惕然曰鏡一物耳範略有偏則形失其真人君主宰天下心有不正即百度乖矣

文皇帝因講官講此論之曰人君誠不可有所好樂流而不返則欲必勝理朕每退朝未嘗不思管束此心為切要人君但於宮室車馬服食玩好無所增加則天下自然無事矣祖宗之真切者哉

心不在焉 節

心一有了方所如在忿懣便不在恐懼雖當懼者亦不懼在

好樂便不在憂患雖當患者亦不患凡百事既在彼便不在
此則不知此故曰視而不見聽而不聞食而不知其味○不
見不聞不知味不是不辨邪正意誠以後的人豈有邪正尚
不辨者此三句亦說得甚輕心不在此形故視之亦不見心
不在此聲故聽之亦不聞心不在此味故食之亦不知此亦
人之常事也仰面貪看鳥回頭錯認人非心不在焉者乎
此謂脩身 節

陽明子曰心不專是那一團血肉若是那一團血肉如今死
了的人那一團血肉還在緣何不能視聽言動所謂心却是
那能視聽言動的這箇便是性便是天理有這性纔能生這
性之生理便謂之仁這性之生理發在目便會視發在耳便

會聽發在口、便會言發在四肢、便會動、都只是那天理發生也。故謂之心。○此傳與後傳都不說正心脩身齊家工夫者。蓋知得如此是病、即便不如、此是藥。上是病、病是藥、到頭兩事湏拈却、亦無藥、亦無病。正是真如靈覺性矣。又何湏另說藥裏工夫哉。

所謂齊其家 節

問脩身在正心後、既是心得其正、如何又有親愛、教情等偏。曰：親愛、教情五者、亦是當施的。但就中不能無偏處。其失比之不得其正、却又小些。晦庵子云：如在官街上、差了些路、是也。○親愛至教情、汎說身與人接、而家人自在其中。親愛一偏、褻狎便生。褻狎則身不脩、家人見其褻狎者、恃恩而驕、亦

世間事類
卷一
十一
蕩軼而不可律教情一偏忿疾便生忿疾則身不脩家人遭
其忿疾者失歡而怨亦很戾而不可訓矣○故字承上五句
來親愛畏敬哀矜皆好之類賤惡教情皆惡之類此心無兩
用好惡不並行既偏好此人必不知其惡既偏惡此人必不
知其美也○之字繼泉子訓作往字亦是如云之齊之楚之
類任其所往而不察故至於偏○驪龍在九重之淵千金之
珠在龍之頷下然有時而睡則沒淵者亦得而竊之心者千
金之珠也不察而去之偏者有時而睡之龍也常醒上地球
終不失矣○問前說忿好憂懼此說好惡都是本乎心而應
乎事者何以一屬之心一屬之身曰傳文是隨隨發一蒙者
故諺有之節

此與上條一意總是說好惡之偏莫知其子之惡莫知其苗之碩只引諺如此一是偏好而不知其惡一是偏惡而不知其美見得人情偏處必至於此也不著定脩身者身上說心正以後的人豈有不知子惡不知苗碩而至如此之甚者乎此謂身不脩節

齊家之道語其本固在脩身語其法尤在一嚴字易之家人曰家人有嚴君焉父母之謂也蓋君長嚴則朝廷肅父母嚴則家人齊矣又曰閑有家悔亡亦嚴之謂也以法度為之防閑則家人不至於亂而無悔矣又曰家人嗃嗃悔厲吉亦嚴之謂也治家嗃嗃然過於嚴厲不能無傷上則必悔然而家人齊肅雖悔猶吉若婦子嘻嘻笑樂無節則家必至於敗矣

又曰有孚威如終吉威如亦嚴之謂也本之以有孚而治之以嚴威則家可保其終吉矣伊川子云慈過則無嚴恩勝則拚義家人之禍常在嚴不足而瀆慢生也故家人一卦大要以嚴為主夫齊家者至於文王周公孔子亦可謂盡善矣而家人之卦三聖人者皆主於嚴則嚴之一字真齊家之良法也彼以嚴為憚而樂於寬柔者豈以三聖人為不足法乎史家所紀英雄之才猶或有溺焉而不能自克者又况柔弱之人乎嗟嗟柔弱者婦人之道也自諉於弱而不能以嚴齊其家則是舉家皆婦人而無一有丈夫之志者矣蓋哉

所謂治國節

君子脩其身終可以教家其家不可教者身未脩而不可以

教之出字只當外字看不外乎家而可以成教於國孝弟慈三句正解此句之意○孝弟慈是明德之大端親此孝而事君亦此孝事兄此弟而事長亦此弟恆幼此慈而使衆亦此慈故君子孝以事親而家可教則國之為人子為人臣者皆觀感而興於孝弟以事兄而家可教則國之為人弟為人卑幼者皆觀感而興於弟慈以恆幼而家可教則國之為人父為人長輩者皆觀感而興於慈此所以不出家而成教於國也○孝即是忠以此心事親便名為孝以此心事君便名為忠隨在而異名耳不要作推說弟與慈做此此亦只重理上不要把事來件件比擬比擬便有不同處○問教國人是教以孝弟慈抑欵以事君事長使衆曰教以孝弟慈曰然則

事君事長使衆又何以教之曰理一而已既教以孝弟慈則所以教其事君事長使衆者亦在是矣

康誥曰如保節

君子以孝弟慈教家而國亦成教者蓋以孝弟慈是家國人心同有之理非家人有而國人無者故以之教家家可教而國亦以之成教也若使此心之理家人有而國人無安能不出家而成教於國乎○問慈心之同必以自然明之者何曰自然是天成的勉然是人為的人為或有所不同處天成則處同然也觀慈心之同而孝弟之同可知矣○如字輕看心誠求之保赤子是如此未有學養子而后嫁者不學而知正是良知也誰人不有良知在知得良知却是誰

家國一理。故能教家者。即不出家而成教於國。此處重仁讓之興作。亂債事輕帶說。仁讓二字。孝弟慈中俱有之。有恩以相愛是仁。有禮以相接是讓。貪戾者仁讓之反。作亂者不仁不讓之極。○興仁興讓亦只是興起。還未曾就。仁讓若就。仁讓下又何用治國工夫。○機是弩上機。機在手至近。一撥便發。矢不疾而速。不必身親往百步外。而百步之外已中的。其機如此。有近而易速。而遠之意。○問仁讓屬家。貪戾屬人。何也。曰。善必積而後成。惡雖小而可懼。書云。爾惟德罔小。萬邦維慶。爾惟不德。罔太隆厥宗。此之謂矣。○問戾是拂人情者。聖人處凶頑。刑罰流竄於人情。亦有拂亦似戾否。曰。刑罰流竄是彼自取。因物付物。正不戾也。且觀帝王處凶頑。侯明

捷識渾是並生之意為囚求生道至三至五必不得已而臨刑猶為之慘惻為之下車而泣安有戾也或有改作人心未協諄諄以言語代斧鉞亦安有戾也後人見已之非便拊飾見人之非便忿揚謂之義氣謂之名節有改作便排衆自遂謂之力量却不知正是大拂人情之戾也此意不講人以此難於賢聖國以此難於治平吁可恨哉

堯舜帥天下 節

堯舜以仁帥桀紂以暴帥衆是所令如其所好者故民從之若本身好暴而令民以仁是所令與所好相反民豈肯從之君子有諸已而后求諸人無諸已而后非諸人正所令如其所好者民必從之禮曰下之事上也不得其所令從其所行

上好是物下必有甚者故上之所好惡不可不慎也是民之表也此之謂矣○有諸已無諸已足身脩子須補救家黨有者有孝弟慈無者無不孝不弟不慈然只汎以善惡說亦罷人字都是國之人以已及人便是恕恕便能喻人了不恕三句只見得不可不恕耶不平重○問人若未有善而不求人之善未去惡而不非人之惡不亦恕乎晦庵子曰恕字之旨以如心為親如愛已之心以愛人如治已之心以治人不是以姑息待人之謂也若不能然而直欲以不肖之身為人之標準凡吾治教所當施者一以姑息待之而不相訓誥不相戒勵將使天下皆如已之不肖而淪胥以陷焉是則大亂之道也而可謂之恕乎○恕字只可施於人不可施於已先武

謂邴惲善恕已量主犯堯夫謂以恕已之心恕人皆錯認了
恕字晦庵子云一字之義不明而其禍有不可勝道者此之
謂矣學者謹之哉

故治國在齊至宋

故治國句是通結上文齊治之理上文已說盡了此下又引
三詩不厭重複者詩可以興要人反覆誅歎而自得之也晦
庵子云令人心融神會不知手舞而足蹈者引詩之助為多
宜其家人就君子說宜者脩身以宜之也而后可以教國人
雖說濶然作教國之為夫婦者亦不妨

宜兄宜弟亦是君子脩身以宜之也而后可以教國人作教
國之為兄弟者說亦不妨

為父子兄弟足法是君子之身脩而足法也是法下補家人
法下意而后民法之者國之父子兄弟法之也

三詩雖平平引來無箇次序然以夫婦為首者婦人女子最
難化而夫婦之閑尤易失於動不以正也易之家人首以利
女貞為說文王之詩首以刑寡妻為說而此處亦以夫婦為
首兄弟次之總一家說又次之者畢竟有箇意思

此傳雖說治國之道不外於齊家然治之一字亦然有工夫
在即以今天下論之京師者非國乎隆嘉以前京師士大夫
除老成當國者治之一字不理會也多矣但見其蚤朝一退
則逐隊而升堂散衙一回則乘騎而拜客坐下則呼圍棋擺
酒小唱則呼蓮子何人談古文者則誇秦漢史記談時文者

則夸科甲元魁較官職之炎涼則不覺憂形於色較轉官之遲速則不覺歎息連聲假命相而誑陞遷者則不與絕交草回書而謝金帛者則不暇停筆有講治平之學者則誣以偽學而嚴其禁有奏治平之疏者則誣以他過而幸其裁治之一字不理會也多矣士風到此如國家何耶今日士大夫固無此風然風流易趨也習俗易染也一洗此弊而理會治國之工夫以致天下之太平者必有其人矣又何俟乎愚說哉
所謂平天下 節

此章釋平天下老老長長恤孤三句前已於齊家治國說了而又云然者蓋以見國之人心同於家天下之人心亦必同於國也○國之人既以家而興起天下之人亦必以國而有

興起之心幸其興起而或無以處之則其所興起者亦不得
遂如政繁賦重仰不足以事俯不足以畜使不得盡孝弟爲
是以君子有絜矩之道處之使之以事俯足以畜而其
所興起者終得而遂舊說以絜矩作化民不知化民是絜矩
的主意晦庵子云不惟有以化之而又有以處之是也○矩
所以爲方四方都均平如一以已度人知其好惡之同而處
置得宜無有虧闕不平之處故謂之絜矩○曾子嘗曰夫子
之道忠恕而已矣發揮一貫之學可以見於事功之實者正
在此絜矩一篇○人與草木鳥獸雖不同類然其生生之意
亦未嘗不知故取之有時而用之有節亦得以遂其生至于
與我同類者乃不知處之以絜矩何也阿房賦云秦愛紛華

人亦念其家西山子云既以脂膏供爾祿湏知痛癢切吾身
君子知身之痛切於我家之念同於我故雖以一杯酒散作
十分春猶恐人之有傷也况忍取之盡錙銖而用之如泥沙
耶○問自身以及家國天下皆推已及人的事傳者一事為
一說若不相通何也曰傳文是互見之意齊家治國亦有繫
矩之道平天下亦有仁讓之化此等處要活落得

所惡於上 節

此條畫出繫矩的樣子是箇繫矩圖然亦就繫矩解不為
平天下君子身上說六母以字皆有繫而度之之意○人心
有好有惡此只云惡者惡與好相反所惡者勿施施之者必
其所好也○夫子謂恕字終身可行程子謂克得恕去便天

地變化而草木蕃克拓不去使天地閉而賢人隱晦庵子謂
桀紂盜跖之無所不至亦由於不恕來不紮矩是不恕也不
恕之禍至於為盜跖桀紂天地閉而賢人隱豈止若王肅趙
由方於事上而好人佞已為守易辭而為尉陵守者禍及一身而巳
詩云樂只節

此說盡紮矩之道者父母字最喚醒人于是父母所生好惡
無一不不同子有痛苦父母便痛切於心鞠育而安全之者
自不容已君子若以父母自處而以子視天下之民未有不
恤民之痛若者也○好惡字包得廣下文理財用人是其大
者都在此好惡中此之謂民之父母就君子說而帶說箇民
愛之如父母以形下為天下戮

詩云節彼節

此說不盡絜矩之道者節南山是刺尹氏之不平引上四句
便含下不平之意○尹氏是世官以故不平此亦可見官不
可世春秋書尹氏武氏仍叔之子為世官之戒者此也○有
國者不可不慎是慎其好惡務與民同而不至于辟掌觀江
海之大魚釣不能牽網不能制一失其水螭蟻得而制之有
國者大魚也民者水也辟則為天下僂螭蟻得而制之矣
詩云殷之節

上文為民父母是得衆便有得國之意為天下僂是失國便
有失衆之意故此條引文王詩結之得衆失衆二句就指殷
說殷之先王得衆而得國此可以徵好惡之同而為民父母

者喪殷之子孫失衆而失國此可以徵好惡之辟而為天下是故君子節

絜矩是與民同好惡然民之迷其好惡者只在於財財君所以不與民同好惡者亦只因財財之故而專殖以病民故說好惡之後就繼之以財○德字據下本末二字是對財字看君子先慎乎德者不先務財而先於德慎之也不是雖無所不謹而慎德尤其所先之說有德則好惡自與人同而絜矩無不盡人之被其德者皆來歸之而有人此有土有土此有財有財此有用不患財用之不足矣

德者本也

德者財之所自出是有天下的本領財者德之所自致是有

天下的末務此君子所以先慎德而不先務財也歟

外本內末爭民施奪

司馬溫公云天地所生財貨百物止有此數不在民則在官譬之雨澤夏澇則秋旱為君者若事聚斂財盡在官使不在民民窮而無所出便為盜而劫奪起亦勢所必至者矣是故財聚則民散財散則民聚

此承外本內末爭民施奪說垂在財聚則民散○晦庵子曰為君者愛民之心不如愛財之甚是以不肯為極力救民之事為臣者愛國之念不如愛身之切是以但務為順旨聚斂之計然民之與財孰輕孰重身之與國孰大孰小財散猶可復聚民心一失則不可復收身危猶可復安國勢一傾則不

可復振至於民散國危而措身無所則其所聚者祇為大盜積耳亦何益之有哉

是故言悖而出 節

此又說財聚者不特民散而財亦散也言貨不兩平重之貨

康誥曰惟命 節

上文有人有土便有得天命之意民散貨出便有失天命之意故此條引康誥結之善是慎德而散財也不善是外本而聚財也善則得不善則失得失只隨人轉移正見天命之不常○前云命之不易此又云命之不常是以天命之重而致丁寧之意胡不相畏不畏於天此之謂矣

楚書曰 二節

楚王孫圉聘晉趙簡子問楚之白珩為寶幾何圉曰楚之所寶者觀射父能作訓辭以行事於諸侯使無以寡君為口實左史倚相能通訓典以獻善敗於寡君使無忘先王之業此楚國之寶也若夫白珩先王之玩也何寶之焉玉是財善是德不寶玉而寶善是知內本外末者矣

晉獻公喪秦穆公使人弔重耳曰亡國恒於斯得國恒於斯雖吾子儼然在憂服之中喪亦不可久也時亦不可失也以告舅犯舅犯曰喪人無寶仁親以為寶父死之謂何又因以為利而天下其孰能悅之孺子其辭焉仁親以終親之喪說國是財仁親是德不寶國而寶親亦是知內本外末者矣

秦誓曰若節

此下四條又以用人言好惡公私之極。秦誓只舉箇善人惡人。以見此等人是當好的。此等人是當惡的。不是說大臣能絜矩與不能絜矩。○一个臣只平平說不是挺然獨立之謂斷斷。今無他技。作一句讀渾厚的長者。不事表裏。雖有技若無技耳。休休是寬大安閑之意。如有容不是如物之有容。休休處難以名狀。故強以有容狀之。寔能容容字一般。寔字對如字說。眈云如有容。又云寔能容。無非形容之詞。○彥聖者容之有技者亦容之。蓋君子之進要多。不比小人。一君子進小人未必退。一小人進則君子必退。泰之初九。一君子進而拔茅之象。拔者闢也。闢之根不盈掬。否之初六。一小人進而有拔茅之象。拔者莠也。莠之根便可束一陽之生。未敢為君。

子喜而曰朋來無咎者一陽未易勝五陰也一陰之生便還
為君子憂而曰女壯者一陰已有救五陽之志也彥聖者容
之而有技者亦容之多多益善矣○君子之進固是要多然
亦要得真君子得真君子者只在千名實之辨鹿坡子曰國
家三歲比士千鄉又會比于京師所得千二百餘人此千二
百人者皆於千萬中拔之者也今取其文讀之非聖賢之道
不列千篇非帝王之輔不屑千議蕭曹房杜而下率置貶辭
是國家三年之間得君子者千二百人不為不多也而治平
之效未臻者取之以名不以實君子而非真君子也然猶可
諉曰姑以言舉俟其服官政而後試之用也則又有考課之
法焉群長考其鈐訟于外而總之以制使臺省各考其僚屬

于內而領之以考功銓衡者又總攬而酌量之法非不詳也然不公者或徇于愛憎之私不明者或移于毀譽之譖不精者或蔽于簿書之欺不勁者或餌于權貴之撓貪酷而欲薄其罰則附于才力之不及剛直而欲害其賢則誣以素行之不謹以廉舉者以貪敗而不詰舉者之非以能荐者以罷黜而不劾荐者之罪其甚可惑者遷秩之後復以前任而黜者果不肖也胡為而遷也果賢也又胡為而黜也倒置若此其何以服天下之心今薦舉之疏給由之籍孰不有功之可紀者是國家又嚴得君子若干人不為不多也而治平之效未臻者考之以名不以實君子而非真君子也國家幸而無事一不幸有事焉吾懼其可倚用者不多也往年宸濠作逆一

旦收縛九十餘人此九十人者皆拔於千萬人而用之者也而伏節死義者止孫許二臣是亦可痛哭也然則名實之不辨進君子而非真君子者雖多亦奚以為也此說最好○以能保我子孫為句黎民帶尚亦有利讀大抵春秋戰國之君多知有子孫而不知有黎民觀尚亦二字語意視黎民亦自輕於子孫矣○書采秦誓此亦有秦誓及晉楚之語聖賢不以人廢言而取善之無窮也如此未

唯仁人放流 節

此條承秦誓下一截云矧疾之人妨賢而病國仁人待之宜如此然謂之能惡人則可又謂之能愛人何也蓋既能惡人必能愛人況此是引夫子成語亦不容去了能愛人三字○

問媚疾之人固是可惡然惡之如此之深恐不免有已甚之
氣晦庵子曰小人為惡千條萬緒不止媚疾一事仁人不深
惡彼而獨深惡此者以其有害於善人使民不得被其澤而
流禍之長及於後世未已也然非殺人之盜罪不至死故亦
放流之而已然又念彼此之勢雖殊苦樂之情則一放流而
不遠則其為害雖不得施於此而彼所放之地其民復何罪
焉故不忍以已之所惡者施之於人必置之無人之境以禦
魑魅而後已蓋不惟保全善人使不被其害而亦以禁伏凶
人使不得稔其惡與其禦亂之術亦已至也而何致亂之哉
見賢而不能舉 節

賢即容賢利國之人不善即妨賢病國之人慢是不肯作速

過是錯過而失刑也○子路問中行氏尊賢而賤不肖其亡何也夫子曰中行氏尊賢而不能用賤不肖而不能去賢者怨之不肖者讐之怨讐並存於國鄰敵構兵於郊是以亡耳慢與過者如此○大造者以蛇虎害人故置蛇於藪澤置虎於山林不善不能退退而不能遠是置蛇虎於通衢也而為害也甚矣好人之所惡節

慢與過雖未盡好惡之道然猶知所好惡而不至拂人之性若於惡者好之而好人之所惡善者惡之而惡人之所好便是拂人之性人怨而天災故曰災必逮夫身○天下之災祥係君子之進退君子多而如林便是盛之象祥也君子蒞落如晨星便是衰之象災矣君子康寧福澤如山如海便是太

平之象祥也。君子挫折頓挫如湍舟如霜木便是大受。是故君子節。

是故二字。繼承樂只君子以下。絜矩之得失。來絜矩之所以得失者。豈有他哉。亦曰忠信以得之。驕泰以失之故也。○大道是絜矩必忠信以得之。忠信如何就能得絜矩。蓋絜矩原從心裏出來。吾人此心原是至明至公的。盡心為忠實心為信實實落落盡了。此心純是至公至明的。本體則好惡自與人同而無處不是絜矩。故曰忠信以得之。今人只說忠信是誠誠則明誠則公亦不甚玲瓏。驕泰以失之。驕是心裏自矜泰是心裏自肆。全與心的本體違了。有甚明處有甚公處好惡都是拂人之性者。如何能絜矩得。故曰驕泰以失之。此終

見絜矩之得失只在于此心矣○格致誠正便是實實落落盡心的工夫晦庵子云格物致知故能通天下之志而知千萬人之心即我一人之心誠意正心故能勝一己之私而以我一人之心為千萬人之心是矣○此章云得失者三初以國說次以命說此又以心說乃極本窮源之論心乎忠信則能絜矩能絜矩則能用入理財衆由此得國由此得而命亦由此得也心乎驕吝則不能絜矩不能絜矩則不能用入理財衆由此失國由此失而命亦由此失也夫民心之歸叛國祚之脩短天命之興廢皆決於此心天哉心也真平天下之大本大源也哉

生財有大道 節

此又說及財用者益以發前未盡之意前只說不可聚財然財是有國者不可一日無的雖聖賢為國亦不能舍此顧聖賢自有生財之道不似暴君汙吏之聚歛耳若只教人不聚財都無箇生財之道則議論趨於一偏天下後世亦病其難行了故又說此一段○生者衆為者疾是勤以開財之源食者寡用者舒是儉以節財之流寡字與衆字及舒字與疾字反生者衆而食者亦衆則所生者即盡於所食為者疾而用者亦疾則所為者即盡於所用財如何得足惟夫生者衆而食者寡則所食者不能盡其所生為者疾而用者舒則所用者又不能盡其所為故財恒足財就國家說不是民間的財足謂之恒者其足有常也三年餘一年之食九年餘三年之

食水旱不能為之災盜賊不能使之貧者此之謂矣○農夫
較野今之生者亦衆其如食不寡何征役有限今之為者亦
疾其如用不舒何是故宗藩之重者可減閭閻之多者可除
軍伍之冗者可革此亦寡食策也賈人之濫者可省土木之
脩者可停珠玉之采者可罷此亦舒用策也他如中鹽者可
以半納粟使錢者可與銀通行此亦足財策也至於富民以
粟納監軍職以銀加官則雖財有不足亦斷斷乎不可為也
司國計者以為何如耶

念生者之難則不忍以易食而食之者自寡念為者之難則
不忍以易用而用之者自舒賈子曰得之艱難則失之不易
得之既易則失之亦然欲足則者念之哉

仁者以財發身不仁者以身發財

上文說生財之道使人知不必聚歛此文不開陳利害以警人使其知不可聚歛也○仁者句重不仁句帶著認以財發身者身之發榮從散財上起似以財發之一般

未有上好仁節

此承仁者以財發身說仁者便是好仁之君下好義與終事句不與府庫句平看只述過到府庫財去見仁者之得民如此而府庫之財可以長保也府庫之財既是其財則雖不聚財而財亦聚於其中矣

孟獻子曰節

此條是說用人與理財相關重在不畜聚歛之臣畜馬伐冰

四句不重鷄豚牛羊且不可畜之況可畜聚斂之臣而害民也畜馬伐木者有爵而有祿故不可察鷄豚畜牛羊以謀羣息之利而使民之利不得售聚斂之臣有國有家者皆不可畜之只於百乘而云者厭子是百乘之家故以為戚也然他却不是畜此的人友顏子茲無靈又友樂正裘牧仲五人而其臣至莊子亦不可改則其所畜者可知矣○臧文仲命妾織蒲夫子以為不仁公儀子令民得售其貨拔園葵而去織婦蓋與之齒者去其角傅之翼者兩其足亦造物之常理也士君子有祿者不食於力不勤於末亦理之常耳不然受大而取小吾恐造物者亦忌多取矣○士君子固不可侵小利為君者亦不可不體群臣既受牧民之責誰無與民同利

之心苟祿薄不足以為生則雖欲行其心而不可得也如伊
川子以通直郎作崇政殿說書且典錢使家人踏麥以自活
則雖欲不察鷄豚不畜牛羊亦何可得耶是以明王制祿自
卿大夫士至於庶人之在官者亦皆有以富之以此各得行
其心而稱其職也後人多不及思慮所謂體群臣者未之講
矣既不能體群臣又安能予庶民乎○盜臣亦不可有與其
二句是甚為之詞見得必不可畜聚歛之患○此謂國二句
雖是釋獻子所謂然揆開在平天下者身上說以利之利財
利也為利之利便利也何謂義散財發粟賑賦緩征是矣須
知是就獻子之言斷見當以義為利答慎德之仁人則非有
利而為之也

上條就義理說是正其義不謀其利之意此條就利害說則謂若要以利為利終亦無利而有害不若以義為利之愈也○問長國家而務財用者必自小人何也曰長國家者元不少財用而却急急於財者不是小人孰使之益小人欲媚其君多借此為進身之階桑弘羊之於漢裴延齡之於唐王安石之於宋是矣○彼為善之陸宣公引此段無此四字想是衍文宣公有云民者邦之本財者民之心其心傷則其本傷其本傷則枝幹瘁而根抵拔此確論也彼小人於國家其為禍不一而禍之烈者莫甚於務財用而使其君之失民心民心一失人怨而天災災害並至雖有善者亦無如之何小人能如之何耶至此而君不能保其國家小人亦不能保其身

財用之務竟為誰而務也真所謂為大盜積者而悔亦無及矣長國家者及桑尚警悟哉

此章於用人說仁人於理財說仁者仁字是因絜矩說來絜矩是恕恕是為仁的方法用人不恕安能為愛人惡人之仁理財不恕安能為以財發身之仁既不能為仁便不是以天地萬物為一體者也不以天地萬物為一體者而可謂之大人乎○此章或說君的事或說臣的事文或是樂說的事都不曾拘着只要說箇絜矩的意思在然大要不過是理財用人兩事先慎乎德以下說理財泰誓以下說用人生財有大道以下又說理財孟獻子以後又說長國家而務財用者必自小合則理財用人又只是一事矣○章末須繳云平天下

者以義而為利則不利之利在天下也而興起之心以遂明德之明在天下也而至善之化以成盛德大業備於此矣大學之道畢於此矣大人哉